



15. februar 2019

UPA2019/182

Inatsisartut Suleriaasianni § 33 naapertorlugu aalajangiiffisassatut siunnersuut imattoq matumuuna saqqummiuppara:

Timersortartut nuna sinnerlugu unammisartut sungiusaqatigiittarnissaminut periarfissagissaarnerulernissaat misisoqqullug Naalakkersuisut peqquneqarnissaannik Inatsisartut aalajangiiffisassaattut siunnersuut. Misissuineri anermik angallannermut akit qaffaseqisut unamminarsinnaaneri immikkut isiginiaqquneqarput. Naalakkersuisut Timersoqatigiit Kattuffiannut, specialforbundinut kiisalu allanut soqtigisaqaqatigiinnut susassaqartunut attaveqaqquneqarput siunertaralugu misissuinermut UPA2020-mit Inatsisartunut agguanneqartussamut, peqataatitsinissaq.

(Inatsisartunut ilaasortaq Nivi Olsen, Demokratiit)

Tunngavilersuut

UKA2017-mili timersornerup immikkut isigineqalernissaa saqqummiuteeqqaarpala. Siunnersuutiga timersortartut pikkorinnesiukkat sulinerminni annaasaqartarnerannut malittarisassat 2018-mut Aningaasanut Inatsit aallarnerfigalugu malunnartumik pitsanggoriartinneqarnerannut aqutissiueqataavoq.¹

Aamma isumaqarpunga Inatsisartuni timersornermut inussiarnisaalersimaneq tammaqqikkallartussajunnaartoq. Tamatumunnga assersuutissatsialaavoq 2019-mut Aningaasanut Inatsisissap isumaqatigiissutigineranut atatillugu ima allattoqarmat.

*"Qasujaallisarneq timersornerlu ataatsiakkaanut pitsaasuupput aamma inuaqatigiit eqqarsaatigalugit qasujaallisarnerunerup nassatarisarpa innuttaasut peqqinnerusut. Uangut nunatsinni innuttaasut peqqinneruppata peqqinnissaqarfimmuit aningaasartuutit ikinnerunerulernerannik ingerlaannaq nassataqassaaq. Taamaattumik illuatungeriit isumaqatigiissutigaat timersornermi ingerlatanut siusinnerusukkut pinaveersaartitsilluni suliniutit ilapittutissanik aningaasaliissutit amerliniarlugit."*²

Uanga Demokratillu iluarismaarparput taamatut timersornerup immikkut suliniarfingineqalernera. Taamaakkaluartorli immikkoortup suliniarfingineqartuarnissaa pisariaqarpoq.

Isumaqarpunga oqarsinnaallunga tamatta perruualaarutigisimassagipput 2018-mi aasakkut Nuummi

¹ Konto 40.94.13 (Aningaasanut inatsit 2018-mut aamma 2019-mut)

²

https://naalakkersuisut.gl/~media/Nanoq/Files/Attached%20Files/Finans/DK/Aftaler/AN%20Finanslovsaf tale_for_2019%20DK.pdf



amerikap nunavittaaneersut pissartanngorniunneranni assammik arsarlutik nuna allanut unammisartut takutitsilluarnerat.

Taamatut takutitsilluarneq isummaminik takkunneq ajorpoq. Ilungersoraanni tunniusimagaannilu aatsaat takkussinnaavoq naak sungiusarnissamut periarfissat pitsaanerpaajusimanngikkaluartut. Taamatut nuna allanut unammisartut ataatsimoorlutik sungiusarsinnaanerat unamminartortaqaaq, nunatsinni najugaqarfiit imminnut ungassisorsummata.

Angallannerup akisunerujussua pissutaalluni timersortartut pikkorinnersiukkat ataatsimoortillugit sungiusartarnissaat ajornarluinnangajappoq. Uani misissusoqarnissaanut siunnersuummi taamaattumik immikkut isiginiarneqassaaq unamminartut qanoq iluarsiivigineqarsinnaanersut. Air Greenland angallavinni aalajangersimasuni assigisaanniluunniit bilittit akikillinissaat pillugu isumaqatigiissuteqarfingineqarsinnaava? Tamatumap annerusumik tusarfiginissaa qilanaarlunga utaqqissavara.

Demokraatini nalunngilarput nunatut inukittunnguatut naatsorsuutigisinnanagu nunat allat naligalugit tamatigut unammillersinnaanngilluinnarluta, taamaakkaluartorli pisussaaffittut isigaarput timmersortartutta pikkorinnersiukkat sapinngisamik pitsaanerpaanik sungiusarnissaminnut periarfissaqarnissaat. Manna misissuinissamut siunnersuut sungiusarnissamut pissutsit pitsaanerulernissaannut aqqutissiueqataasinnavoq.

Neriuppunga Naalakkersuisut siunnersuutiga ilalerumaaraat taamatullu Inatsartuni partiit allat.

Aningaasarsiornikkut allaffissornikkullu namminersorlutik inuutissarsiortunut kingunissai.

Misissuinerup piareersarnissaa aningaassartuitaqassaaq. Naatsorsuutigingilarali ilinniagartuup ataatsip ukumi ataatsimi sulineranit akisunerussasoq, tassa 500.000 koruuninit akisunerussasoq.

Aningaasarsiornikkut allaffissornikkullu namminersorlutik inuutissarsiortunut kingunissai.
Soqanngilaq.

Aningaasatigut allaffissornikkullu innuttaasunut kingunissai.
Soqanngilaq